



蕭亭詩集序

康熙癸酉春衡備員桓臺司農王公為先伯

國朝

天津

父同年友衡以通家子間從賢嗣清遠昆仲  
遊因識鄒平蕭亭張先生先生清遠舅氏也  
衡慕先生名久既獲覲先生之為人藹乎如  
坐春風中久之誦先生詩益佩服不置云先  
生屬貴胄性泊然寡營屏居長白山中煙霞  
杳靄泉石清暉映帶左右一瓢一卷嘯咏乎  
其中雖處困頓抑鬱而心常晏如若將終身

孫序

焉此非天性所近而得乎情之至足者則不  
能以爲左太冲曰發言爲詩者詠其所志也  
升高能賦者頌其所見也先生去廊廟而就  
山林志誠高矣因即耳目之所怡悅發之於  
詩則辭依其質而義本其實故樂府古體出  
入於漢魏之間得古風詩之遺律詩則彷彿  
元白之旨趣而涵濡以王孟之氣韻蓋合唐  
諸家爲經緯焉衡以風塵吏不獲窮長白深  
處登摩訶會仙諸峰訪王玄白兔公仙蹟焉

大谷采芝山堂領其勝槩今讀先生詩可以知其志與其所見有超然世俗之外者昔歐陽氏曰世謂詩人少達而多窮非詩能窮人殆窮而後工也是誠有之特未敢以爲盡然先生與司農公齊名而司農公位居九列先生隱逸終其身詩又烏可以窮達論耶蓋各隨乎性情之所適即易位而處自有得於心而應於手者窮固工不窮亦工也衡服膺先生詩不敢自私彙爲六卷授之梓所謂藏之

名山傳之其人雖非先生志要亦衡之篤信而深好者不揣固陋妄綴數言亦就先生之詩言之耳方願學詩而敢輕言詩哉衡抑又有感焉先大父詩集流離播遷之餘駸駸乎湮沒者幾五十年而先生刵定之司農公重加較讎付之剞劂則先大父之詩且以兩先生之名而傳也並書之以誌不忘龍眠後學孫元衡拜序

蕭亭詩選序

肅然之陰其東面曰大谷

俗作谷

谷中有二十四

村皆良田沃壤土厚而水甘桑柘交蔭雞犬之聲相聞古于茲仙人白兔公遺迹皆在其處蓋隱逸之奧區也吾內兄蕭亭先生居之初蕭亭去城市卜居于此得靈芝五色于山麓泉上因作采芝山堂背黃鵠面象山流水遶戶青山在左其西則精藍鱗次梵唄之音朝夕響荅苗茨數椽斤斧不施莞牀著席彈琴詠歌若將終身焉者客至蘼蘇不爨茗飲椽粟清言竟日而已陶貞白有言吾見朱門廣廈雖識其華樂而無欲往之心望高巖瞰大澤知難立止恒欲就之蕭亭生席華廡先少保公功德在前朝載之盟府諸父皆爲世聞人鳴鐘列戟其所固有一旦棄之如脫屣而甘就隱約以老豈時命之使然歟抑有所託而逃焉者歟毋亦有味乎貞白之言而爲是硜硜者歟蕭亭古詩千餘首樂府古選

尤有神解爲擇其最者五百餘篇別爲選集  
後世誦其詩者庶以知其人焉漁洋山人王  
士禛造



蕭亭詩選卷一

鄧平 張實居賓公

新城 王士禛贍上一批點

南山歌 二首

白石暄皚南山隈爾牛有角何為哉終年驅爾食藿  
萊我為悲歌牛聲哀爾牛知我王佐才

有舉世無  
相識之感

南山白石何側側白日飯牛直到黑短衣跣足不得  
息爾牛食草宜努力明朝騎爾相齊國

采葛婦歌 四首

蕭亭詩選卷一

月落參橫雞聲煩何年得伸嘗糞寃凌晨採葛至黃

昏

君王請臣事已非夫人請妾妾更微日夜採葛不敢

衣

謀臣無計女有色君王卧薪徒輾側我今採葛獻吳

國

會稽君棲臣當死妾身自恨非男子我今採葛衣戰

士

視河梁歌尤  
激烈斬截

齊謳行

賈子本齊人爲君歌齊謳泱泱稱大國幅幘盡青州  
西枕泰山巔東俯渤海流十二河山險能與強秦侔  
厥土惟上下甌窶常滿篝鹽絺松枲鉛海物多珍羞  
閭雞東市裏走狗南陌頭維昔師尚父鷹揚奠成周  
三月而報政首爲富強謀桓公尊王室東牲會葵丘  
歷世景與威雄聲冠諸侯田文佳公子英賢多與遊  
上客誇囊穎下客善狗偷田橫五百人氣焰凜千秋  
或辭萬家封或謝千金酬嗚呼觸與連高義果難儔  
至今有遺俗好向布衣求

有當塗之遺軌  
寄託尤在末句

蕭子雲詩選卷一

### 君子行

小人不可交交亦勿輕絕交之禍機伏絕之禍焰烈  
譬彼贅疣身爲患非不切一朝剖刮去性命多夭折  
不見幽谷蘭荆棘生其旁豈不欲鉏之鉏之蘭根傷  
鷓臯亦云惡鳳凰任翱翔魚鼈非不賤蛟龍與之忘  
所以古達人廣道以自全世路何紛紛浮雲過青天

檢言可  
書座右

### 行路難

斥鷃在枋榆仰天笑鳳凰駑駘才跬步千里歎驕驕  
誰銷莫邪鑄鉛刀璞玉不剗泣陵陽山之險不必劍

關水之險不必瞿塘桃李未成嬰荆棘已成行丈志  
報恩兼報怨意氣如山刃如霜桑弧蓬矢兆四方誰  
能三月不下堂羽毛無剝落扶搖一搏萬里長行路  
難莫悲傷

子夜歌

四首

阿儂年十五披髮始覆肩時啼復時笑總爲乞歡憐  
樹上比翼鳥兩心渾如一笑煞野鴛鴦空以毛羽匹  
歡如月中桂儂如幽谷蘭氣味自相投惟有相見難  
菱葉與蒲葉長短各不齊同是水中生風雨勿相乖

字字清商本  
色直逼古詞

《詩經詩選卷一

三

子夜警歌

月到中秋後只當十五前誰知漸漸缺癡想夜夜圓

子夜變歌

魚遊山上泉鳥浴山下溪阿姊作郎妾阿妹作郎妻

戰城南

戰城南敗城北黃沙迷天白日黑弓無弦箠無矢寶  
刀折戰馬死奮臂一呼復不前饑烏陣陣啼不止將  
軍大纛坐城頭黃金鑄印萬戶侯

巫山謠

巫山高不極秦皇無此採不可渡水有凶湧湖澗之波



山有虬曲盤擎之樹我欲攀緣狼虎來我欲徒涉蛟  
龍怒相思不相見沾裳淚如雨巫山高空自高湘水  
深空自深舟車非所願但願人一心。

上陵

上陵白雲爲闕赤霞爲城別有天地河岳日星駕白  
鳳騏玄鶴御空而周行東海之中神山三仙人掌中  
露湛湛望斷童女與童男。

將進酒

將進酒先作歌今朝不樂奈若何兔走烏飛無停息  
千秋萬歲不爲多革鼓不鳴土鼓鳴齊粟聲中萬籟  
和但願東海爲樽北斗爲杓予一酌之樂陶陶

臨高臺

臨高臺俯江水江水浩浩一萬里上有南飛之鴻下  
有北游之鯉中有尺素書疊疊百千語語語爲相思  
相思良亦苦一讀斷人腸讀罷淚如雨百年不相見  
俱化爲塵土。

古質是  
漢人語

阿那環

明月照白沙黃羊逐野馬三千河朔兒大戰天下

不減  
辭律

穆陵關

馬首南來穆陵東。眼前忽見三兩峰。拔天竅地何尋。礫或如獅象。或蛟龍。望去渾疑天欲終。到處始驚箭。括通嵐氣半晴還。半雨幾家村落椒榭封。丁丁有韻。不知處。牛背笛聲野寺鐘。行人相顧如相識。漢落僵蹇幾輩同。祗有野雲棲不定。與我顛倒秋光中。

淮陰道上却寄阮亭

秋色照行顏。出門成獨往。北風吹我舟。須臾入沅潁。回首望雲霄。悠然發遠想。隔浦村煙生。藜蘆漁笛響。水調何人歌。其音慨以慷。

高調妙  
于省淨

蕭亭詩選卷一

五

迷樓舊址

今日招提境。當年帝子宮。柳仍欺黛綠。花尚染脂紅。白骨銷殘月。青燐蕩晚風。荒涼王業遠。麥秀冷煙中。

不減王琪落  
日下蕪城矣

過廣陵懷阮亭

廿四橋邊柳色新。滿船簫鼓醉遊人。王郎去後無風雅。誰向平山賦冶春。  
阮亭宦廣陵有冶春詩

蒜山追和阮亭

城角蟠孤嶼。寒江倒影深。潮聲喧暮雨。海氣結秋陰。

壁壘千年在英雄幾輩滔滔沉不盡感慨古猶今  
京口寄同學諸子

秋風一夜入南徐酒興詩懷日不虛只有相思銷不  
盡題詩聊當數行書

寄懷雪亭

海上樓遲久避名時人尚識魯連生四君在有三子  
客一壁堪當十五城氣暗姑蘇高烏盡波寒震澤壯  
心驚吳門八月多雷雨匣裏時時聽劍鳴

寄懷宜兩永言

相送河梁淚欲潛臨行頻顧大刀鐮回思碣石談天  
語如對荆山抱玉顏世態今從窮處得豪華獨許醉  
中還猶餘一事差堪快雨裏流泉雨後山

結  
妙

梧桐篇

綆短井深不可汲美人宛轉井邊立井邊梧桐西風  
吹飄飄葉墮美人泣春光去後桐方榮羣芳未歇先  
凋零年年悲秋不知處今見梧桐秋所憑多情莫種  
無情樹那能常聽瑟瑟聲

起  
結  
張王

訪姜學在藝圃

獨踏蒼苔破石痕。清流曲折見南村。幽人地僻無車馬。落葉蕭蕭晝閉門。

奔牛道中有懷諸兄弟

安穩行人一席風。江村露冷拍林紅。遙思大谷山前路。一片寒雲萬木空。

旅中感懷

東海有男子。上帝蟻風臣。謫向人寰裏。落拓三十春。在天等片羽。在淵如一鱗。用舍無輕重。俯仰與時新。謀食甘掘菟。披衣笑結鶉。固窮伏巖穴。硜硜葆天真。今宵爽氣動。萬物感蕭晨。金風墮黃葉。清霜老白蘋。悲易生秋士。耿耿念故人。

蕭子詩選卷一

七

別虹州諸友人

阮生古達人。窮途淚尚隕。千載失意者。能不如疾疢。來去嶺頭雲。聚散海中蜃。縱得常相守。百年亦有盡。何以贈離別。听然發微哂。

別醉白公權

森森河流急。蕭蕭落木寒。長途千里外。馬瘦布裘單。雪意年光晚。霜華旅鬢殘。名山傳磬石。所恨不同看。

送

詠古二首

我於古來士服膺管幼安黃金在其側揮鋌不一着  
攤書割席坐忘情善自寬何必在今世子魚已覺難  
富貴擾於內紛紛百憂攢何如巖穴下布衣麤糲餐  
柴門臨流水脩竹千萬竿素琴有遺響一唱而三歎  
雖無千載名庶幾一日歡

從古  
選出

雲中有白鶴往來獨翩翩健翻爰高頂脩然羽毛繁  
飲啄於玄圃清響遍乾坤問爾誰爲侶王喬與羨門  
華表無歸期自不慕乘軒求之昔人中千載一邛原

章法  
獨絕

題周文矩畫莊子說劍圖

宋國有男子天下知其賢讀書以樂道隱釣濠梁間  
趙王好劍客乃著說劍篇秦漢迄五代時移世屢遷  
周生真妙手彩筆染素紈圖成神物出閱歷盡千年  
古色無剥落霏霏氣如煙細辨始可識生氣猶儼然  
君王自端冕龍服五采綠莊生坐其側子惺侍於前  
環列七劍士拔劍而語難鬢頭突禿鬚短後衣不冠  
側目含怒氣若有所截剝彈鋏黃雲合拂刃秋霜寒  
鋒滴警家血背隱瘡痕瘢志在求必死所向無不前  
欲知繪事妙當作如是觀

此圖尾有董宗伯跋初一藏于家曾賦長歌後歸古  
交堂蕭亭又題此詩三十年間人事屢遷此圖亦  
入大內矣  
讀之感歎

### 雪亭至

去時不相送來時亦不迎相見惟一笑默默通心情  
無酒不須買有酒即同傾世人重膠漆輕言約死生  
一朝有榮枯誰問白水盟

### 自歎

窮愁隨年至年移愁不遷不禁新舊續那堪年復年  
處阨夫子聖蚤折顏淵賢冬夏任寒暑高低列山川  
聖賢亦多闕天地不無偏矧此蚩蚩者安能據其全  
貧賤希富貴富貴慕神仙所欲無止足終身徒悽然

蕭江詩選卷一

九

真陶詩

### 始閑

比爲徭役苦手足如拘攣偶得門無吏便疑身是仙  
開樽何啻爾把卷殊悠然夢覺南窓下松間一扣絃

葯圃和念東先生韻

二首

西園載酒醉遊人對酌花前意興新綠柳眠時三徑  
暖丁香放後十分春聽鶯選樹年年在蠟屐遊山處  
處身我亦會心林水裏悠然魚鳥喜相親

一夜春光透早叢羣芳競發棟花風亭臺盡占山川

勝主客相忘嘯詠中對酒豪懷誇峽倒驚人好語不  
雷同南看大峪煙雲路只隔沙溪一水東

明湖竹枝詞 二首

綠草簑衣舴艋舟垂竿獨釣一湖秋得魚換酒終朝  
醉菱角雞頭爛不收

激灩湖光雨後妍登樓四望碧垂天誰將一幅西川  
錦鋪向明湖晚照前

閑居 二首

自覺踈狂與世違避人日日掩雙扉更無殘客來幽  
徑祇有春風透草衣竹葉酒香人乍病梨花月冷燕  
爭飛南窓夢覺渾無事獨倚藜牀看落暉

蕭子詩選卷一

十一

目送飛鴻弄五絃空亭獨坐意悠然山留桂樹疑招  
隱路阻桃源漫學仙午睡夢來湘竹簟曉寒題上行  
波淺風流好句思張翰學種黃花滿徑邊

張翰黃花句風流五  
百年佳句亦復何讓

曉寒

策策梧桐葉乍殘美人相對起長歎未凋秋草顏仍  
綠不暖羅衾夢易闌靜泣涼蛩清露裏遙懷帝子碧  
雲端同昌甲第簾重下細麝名香辟曉寒

結逼温李○此蕭亭少作又有詠白丁香句云人  
舍舊恨青山外花結新愁細雨中子最激賞今不

載附識  
于此

### 山樓眺望

曉起推窓看千峰列翠屏  
笙竽流水韻鳥獸古峰形  
葉落秋光老雲寒石氣青  
何年煩惱盡來此注山經

第四句變  
杜句奇特

### 秋日半園二首

曲折城陰一徑斜  
黃山影裏見人家  
柴門靜掩秋風起  
蛺蝶飛飛撲菜花

勝唐人茅屋  
斜連隔松葉

殘梧細柳弄秋姿  
搖曳西風不自持  
傍晚香生清露

### 下豆花落落點疎籬

蕭寺詩選卷一

十一

### 怨詩行

七解

莫唱陽關曲此曲悲且哀  
無端入我耳中夜起徘徊  
郎住南山下妾家西湖邊  
初見斷腸草只當並頭蓮  
好月能幾時三五各一天  
蚤知易欠缺不如不團圓  
夜起望牛女獨對天河啼  
爲問誰家婦知是蕩子妻  
采采石蓮子種我池塘後  
葉小未著花根深已成藕  
莫作比目魚去住必相依  
莫作比翼鳥東西不能飛  
常見抽絲繭不覺自傷嗟  
只爲儂心裏一樣頭緒多

愈朴  
愈書



青溪小姑曲 二解

青溪洋洋小姑無郎天寒露重夜夜成霜  
雲衝雨脚小姑悲悼日抱虹腰小姑歡笑

絕似古諺  
極俚極雅

白石郎曲 二首

窈窕誰家兒顏色如好女郎見當何如儂心先已許  
鬢髮始齊眉十四未有餘與儂並肩立自覺儂不如

古樂府  
神境

少年行

黃金散盡結相識死生然諾定不食走狗鬪雞自任

蕭子詩選卷一

十一

俠羞從田父問稼穡睚眦殺人渾如麻夜夜探丸赤  
白黑報德報讐心常切殺妻食子不動色丈夫肯死  
兒女手百塲大戰不曾壯功成不願萬戶侯請將寶  
劍清君側

堂堂復  
堂堂

勸酒

人生暇日寧能幾莫剩當前有限盃况復西陵原上  
樹杏花一似待人來

畫成戲題

書劍無成枉自悲學農學圃又何為閑來愛試丹青

筆恐亦前身是畫師。

詠鶴

一自青田下玉城。相從王子聽吹笙。雙棲珠樹花千藥。獨啄靈苗葉九莖。矯啜雲中音節響。飛容水上羽毛輕。無煩更續參軍賦。月落星翻別有情。

西園即事

茅屋春溪上。幽棲自一家。閑庭蹲怪石。老樹抱藤花。引水新栽藥。開畦獨種瓜。何須嗟懶漫。學圃亦生涯。

苔曲六

春山何寂寂。一室對雲林。仲蔚幽棲處。蒙茸碧草深。

蕭亭詩選卷一

三

花前愁獨醉。月下祇孤吟。遠望於陵路。相思託素琴。

呂宗泗過訪西郊園居

寂寂春園野水旁。過門有客偶相將。連朝病劇詩無賴。今日心閑酒始香。千畝綠疇交石徑。一簾花雨映山堂。清明才去無多日。還可同君醉百場。

四句  
妙

題畫

亭掩松杉古苔深。石徑斜遙看雲散。處懸雷瀉桃花。

題畫梨花

窠王小院笛聲殘。刻玉爲花壓寶欄。泣罷鮫人珠篋。

數行來靜女露溥溥春風藉草聯裙賞夜月停車買  
樹看一段柔香誰得似流雲舞雪共生寒

題畫鳥

睨腕枝頭送好音秋窓披葛聽山禽清霜一夜紅如  
染啼上門前烏桕林

佳句

喜雨

居人多望雨行人多望晴所望雖不一天心原自平  
我本農家子南畝獨經營春苗待雨長秋地待雨耕  
凌晨好雨來悠然愜我情荷耒出門去遙和田歌聲  
羸犢知努力草木各向榮年來多逋欠頗爲胥吏驚  
但願書大有不須徭役輕

半園偶成

黃山連長白峰巒何重重煙雲未盡處吾廬在其中  
拋卷時偃息神魂亦從容幽禽鳴深竹流泉下長松  
軒窓四面敞披葛來南風悠然對山色上與羲皇通  
須臾飛鳥盡皎皎月行空

明湖懷舊

藕葉田田藕花吐七十泉飛蜡華雨湖上人家半是  
非流水悠悠自今古

秋日漫興

帶雨蒼苔點石斑。啼秋野鳥語綿蠻。先生醉卧南窓下，一日能如兩日閑。

黃山憑眺

白雲迷山麓，古徑苔花秀。冷冷層巔上，天風吹衣袖。湖光山外明，泉聲松木吼。參差峰巒拱，顛倒崖岸闢。四望望平疇，青黃錯如繡。悠然發長嘯，清響彌宇宙。

退之南  
山句法

不寐懷人之作

嫋嫋秋風鳴泠泠，秋光滴徘徊。石砌間仰看星歷歷。

蕭序詩選卷一

五

河鼓垂九曲，織女連東壁。同在水一涯，如何歎疎迹。而我懷遠人，千里安所適。悵望天一方，相思不相覿。思婦閨中砧，征人戍樓笛。遙應蟋蟀聲，皆以助憂戚。

不減搆  
不之作

感遇

吁嗟問蒼天，蒼天何勿穆。生生與化化，總之屬疑獨。青女散霜雪，萬物悉蟄伏。達人志功名，下士冀寸祿。大哉千載猷，巧遲寧拙速。轆軻憶生平，使我思髦鬣。嘗言徂遠征，貂裘襲文毅。駿馬比駮耳，寶刀號青犢。往來射平坂，馳驅獵林麓。鷹鷂多所獲，皆是鳳凰族。

烽煙連四塞。中原正逐鹿。強象暴弱。寡荒陬。杳無  
我亦流離人中。懷曠若谷。前臨大江。邊波濤怒。如覆  
鱸魚。此處美。菰老蓴絲熟。倚馬眺金焦。凌空勢轟轟。  
天塹南北分。我舸發連舳。爲詠橫槊詩。流連而三復。  
灑淚望新亭。帆輕雲龍逐。行行入石城。停留未信宿。  
夜半楚歌起。重圍驚如簇。將軍棄瑀戈。士卒脫弓韜。  
須臾內變生。談笑肆誅剗。棘門已繫頸。僅爾免彘戮。  
丈夫氣阻消。歸途來僕僕。墮露飲木蘭。殘英餐秋菊。  
惆悵故鄉秋。西風破茅屋。蓬蒿滿堦除。悽愴城下竹。  
存亡已相半。去者無竿牘。樓頭狐晝鳴。牆外鬼夜哭。  
有園成瓦礫。松聲猶謾謾。斷木棲野鶴。殘荷伴孤鷺。  
掩卷泣蓼莪。回首悲風木。架上藏父書。手澤不能讀。  
日夜事桑麻。菽莠勝佳穀。涼風已屆候。草木皆蕭肅。  
爲日檢衣裳。禦寒無旨蓄。小時固庸庸。長大復碌碌。

此述甲乙間  
事可以怨矣

### 老農歌

槲葉編笠草結服。披風冒雨西山麓。手足胼胝汗流  
血。用盡辛勤五穀熟。陰陽燮理年歲豐。果比往時兼  
數斛。無奈追呼債帥雄。依然不得果其腹。若遇凶荒  
何以生。回思作苦仰天哭。歲晚犁鋤無用處。呼兒且

向城中鷓。甚勿餓死。瓶角積。城。少。綠。墨。卷。萬。身。衣。  
錦繡。厭。梁。肉。

宛然張  
王樂府

詠古 二首

士何為多失職。饑寒兩字苦。交。有。凌。空。

不救舍愁嫁衛時。

子過圃田詩云。儻然郭。舟。惆。悵。餘。年。還。嫁。衛。先。生。

互觀

爭言瘦島真成佛。一。懸。鬢。絲。如。雪。不。堪。云。

擬古 五首

寂寂一揮卮。抱愁聊吟古。覆契與巢由。骨已皆塵土。言念世外人。甘心老橡。聞昔有至人。形神如土。闕翻太古書。悅入華胥境。外度鳥聲。恣聞移竹影。大道本無爲。人生貴清靜。回。恐。去。日。非。惕。然。發。深。省。人生如花落。逐風各西東。或。沽。重。裊。上。或。墮。汗。泥。中。隨。遇。期。自。得。處。困。莫。憂。忡。凌。晨。飲。美。酒。飲。罷。已。下。春。嗟。嗟。今。日。事。來。日。即。成。空。

幽蘭生空谷。根深葉何長。不以寄託僻。遽自減芬芳。  
朝染流霞色。暮浥明月光。松柏非不好。萌蘖困牛羊。  
戕賊歷斧斤。然後成棟梁。

高枕泰山阿。俯看渤海流。縹緲三神山。上有仙人遊。  
洪濤四面旋。雲路阻且脩。我欲往從之。無梁復無舟。  
翹首空延佇。中心集百憂。

似陳拾遺

對酒行爲方望子賦

門前學種陶潛柳。屋裏飛來謝朓山。地僻春深白晝  
永。坐對浮雲心自閑。江南有客遠相過。手揮玉塵倒  
銀河。我有牀頭酒百斛。相逢不飲奈君何。東西南北  
天涯路。人生易散難爲聚。堂上酣歌得幾回。道旁又  
黍垂楊樹。

猶有開元大曆名家風調

園居雜詠 五首

有客東南來。清言破幽獨。聽雨夜連牀。讀書朝分屋。  
對景短長歌。題遍砌下竹。高爲泰岳松。竒比匡廬瀑。  
靈景當我前。泠然心意肅。

秋色入園林。鳴蟬淨嘉樹。一榻當北窓。清風愜幽悵。  
苔深太古存。寂寞絕世務。手持一卷書。課兒學種圃。

問余何所樂幽人能自悟

明月來東臯。照我池上樓。掩映松桂間。景色清更幽。  
靜坐對南山。白雲停不流。悠然意自得。於世我何求。  
始知塵境外。有此良夜秋。

幽居渾無事。白晝掩柴關。何以消寂寞。無欲心自閑。  
焚香獨靜坐。簷外來青山。白雲映吾廬。魂夢相往還。  
日暮多好懷。涼風吹醉顏。

少小志功名。瞬息及強年。自知命不猶。食貧甘力田。  
沮弱相耦耕。孤標世所賢。人生有常業。豈爲異務遷。  
古道自淳泊。遺俗在林泉。

澹泊  
淳古

讀書詩選卷一

十九

雨後

雨歇山欲暝。夕陽在鳥背。孤亭淡清秋。花木有餘態。  
涼風四面吹。長空蕩殘靄。更望西南峰。窈窕秀如黛。  
山樹互幽映。流泉春雲確。獨坐酌芳卮。明月來相對。

起妙懷  
抱如洗

晚涼

晚涼初月上。隔牆招鄰父。盤礴竹樹間。酌酒相勞苦。  
禮數亦已忘。有懷無不吐。君子期謀道。小人願學圃。  
理固不可移。時有今與古。



蕭亭詩選卷一



400

